

## დამწველი თავის სიმშვენიერით

დამწველი თავის სიმშვენიერით,  
დამშვენებული უხვი განგებით  
ფეხთან პერანგი იწვა ცბიერი,  
როგორც ელვარე ფარშავანგები.

შიშველი, წმინდა, როგორც ნაკადი!  
დიდხანს საჭირო არ იყო ხვეწნა,  
უცხო სახეზე შემონახატი,  
წარბები - მშვიდი და თმები - ძეწნა.

მე სხვა ქალებს ვერ დავემალევი,  
მათში ბევრია პროზა, ქრონიკა,  
მაგრამ სხვა იყო შენი თვალები  
და შენი კოცნა... ო, ვერონიკა!